


4439/6

7.

GENEALOGIA
ILLVSTRISI-
MÆ FAMILIÆ DVCVM
BRVNNSVICENSIVM ET LVNEBURGEN-
SIVM à prima eaq; uera Guelphorum origine, usq; ad filios Hen-
rici Leonis diligenter ex uarijs monumentis historicorum
perquisita & edita.

IN HONOREM ILLVSTRIS-
SIMORVM PRINCIPVM AC DOMINO-
rum ducum Brunsuicensium & Luneburgensium, qui
hodie DEI beneficio Rempublicam, pię, iustę
& pacificę administrant.

A
IOHANNE CHESSELIO
GOTTINGENSI, POETA LAVREATO.



Anno 1559.
Mense Maio.

ΕΘΛΩ^φ ΠΑΝΤΙ ΠΕΔΟΝΙ ΠΑΓΓΙΔΩ^φ ΘΙΛΩΡ ΑΝΔΡΙ ΤΕΤΥΚΤ,
Φ ΣΟΦΙΗΠΕ ΜΕΛΗ, ΙΩΛ ΦΕ ΕΡ ΣΗΘΕΑΣΙΡ ΞΟΪΣΙΡ
ΧΘΗ ΣΙΝΤΟΡΗ ΙΩΛ ΚΟΡΔΑΛΕΑΕΦ ΦΡΕΝΑΣ ΛΙΕΡ ΞΗΧΟΙ:
ΔΗΚ ΆΡΑ ΤΙΣ ΝΕΜΕΟΣΙΓΥ ΣΙ ΠΑΓΓΙΔΩ^φ ΗΓΕΜΟΝΗΩΡ
ΑΝΩΔΗΞ ΞΕΒΗΛΕΞ ΠΟΛΕΩΡ ΖΗ ΙΩΡΙΑΩΡ
ΑΙΟΣΜΙΣΑΩΡ ΙΛΕΩ^φ ΙΩΛ ΚΗΔΩ^φ ΑΓΗΤΟΡ ΞΩΑΝΙΟΙ.

Iωάννης Καστηλίος.

GENEALOGIA
ILLVSTRISSIMORVM PRIN-
CIPVM, DVCVM BRVNNSVICENSIVM
AC LVNEBVRGENSIVM.



Vantum debeamus atq; quantum
tribuamus Patriæ, nostrisq; princi-
pibus, nemo omnium est, qui ignoret:
Necq; id immerito, cum patria nobis
primum ortum, quo prima suspiria
haurimus, & hanc lucem intuemur, præbe-
at, magistratus autem politici nos armis & legi-
bus diuino iusu ita munit, ut cum aliqua tran-
quillitate honeste & piè uiuere, & in hac mortali
uita DEVM æternum patrem, domini & serua-
toris nostri IESV CHRISTI agnoscere at-
que inuocare queamus. Initio uero misericordi
DEO gratias nos agamus, quod uoluit nos esse
membra ueræ Ecclesiæ, quæ omnium sanctorum
mater & patria prior est, ac propter quam Respub-
licæ & reliquiæ generis humani conseruantur:
Gratijs pro tanto beneficio DEO actis nos Eccles-
iæ omne studium deferamus, ut quisq; suo loco o-
perarius diligens in uinea cœlesti extitisse reperi-
atur. Hoc enim pacto, ut laborum & dolorum,
quibus illa premitur, particeps fiet: Ita etiam cum
eadem dulcissimo atq; saluberrimo uitis fructu
perpetuaq; læticia acquiescente in omnium rerum

A j opifi-

opifice & seruatore, fruetur. Sit igitur hoc unum
præ ceteris omnibus nobis in uotis, quod ipsum &
Rex David petit, ut habitemus in domo Domini,
omnibus diebus uitæ nostræ. Agamus de-
inde consideratis hisce spiritualibus beneficijs ei-
dem omnium bonorum largitori gratias, pro ijs,
quæ donat nobis in hac uita necessaria, quorum
summum est mediocris politiarum administratio,
quæ reuera à DEO proficiscitur: In hoc secundo
maximè eorum, sub quibus uiuimus, mentionem
fieri par est, si qui fuerunt excellentes uirtute, pie-
tate, sapientia aut fortitudine bellica. Hæc enim
omnia post diuini numinis clementiam, ad foelici-
tatem imperiorum faciunt. Petendum est præte-
rea, ut cum passim in genere humano, tum in no-
stra patria sub tolerabili gubernatione superio-
rum, ut quemadmodum Paulus Timotheo scri-
bit, placidam ac quietam uitam degamus cum om-
ni pietate & honestate.

Ad hæc beneficia agnoscenda & petenda, pro
eo officio, quod patriæ eiusq; summis administra-
toribus debeo, collegi qua potui diligentia et labo-
re, adiutus etiam aliorum consilijs & opera, hanc
nudam Brunsuicensium et Luneburgensium Du-
cum, in quibus multi eximij & præclarí principes
haec tenus floruerunt, Genealogiam, initio ducto
hinc usq; ab Ethicone & sex Guelpis, quam si
gratam esse animaduero pertexam ad hæc no-
stra

stra tempora. Et deinceps etiam, sauente DEO
omnia perquiram diligentius, & si potero, huic
σκιογραφίᾳ quiddā politius καὶ ισθμικῶς subiçiam.
Hæc tenuia interim equiori animo legenda & bo-
ni consulenda sunt. Et si quis quid habet hac in re
accuratus & splendidius, eum, ut suo ingenio et fa-
uore condecorerit nostram patriam, magnopere ro-
gatum uelim. Sed ad institutum ueniemus.

A NNO ab incarnatione filij DEI 801 coro-
natur à Leone tertio & salutatur Carolus
Magnus Imperator Augustus Romæ, ter accla-
mante populo Romano. **CAROLO AVGVS-**
TO A DEO CORONATO, MAGNO ET
PACIFICO IMPERATORI VITA E T
VICTORIA. Hic primus est principum ad
quem totius Romani & Germanici imperij sum-
ma peruenit, à quo initio in Germanorum princi-
pum familijs fastigium gubernationis supremum
ad hunc usq; diem, quamlibet ægerrimè, constituit.
Nec huius loci est dicere, quantas res gesserit, quā-
que ipsius imperium toti orbi terrarum, in primis
que Ecclesiæ Christi fuerit salutare, dum tot seda-
uit tumultus, dum Ethnicos ad agnitionem DEI
compulit, dum sanxit honestissimas leges, dum
conseruari literas & pietatem iussit, dum fundauit
Academias, Bononiensem, Parisiensem, & Papi-
ensem & alia collegia, constitutis præmijs pjs do-

A ij **ctoribus,**

ctoribus, quæ omnia quia sunt prolixiora, aliunde peti oportet. Sed eius propterea hic facio mentionem, ut ex hisce, quos numero principibus, aliquid gloriae accedit, & notum sit tempus, quo horum principum familiae cœpisse uideri possint. Patre mortuo anno ætatis suæ 72, Aquisgrani Anno Christi 815 filius illius sceptrum exceptit cognomento Pius, quod iura et dignitatem quam acerri mè tutaretur. Huius prior coniunx fuit Irmengardis, ex qua genuit Lotharium successorem in imperio, Pipinum & Ludouicum.

ETHICO, qui primus, quem quidem nouimus, huius generis autor extitit, uixit temporibus Caroli Magni & Ludouici Pij. Eo tempore Bauaria in seruitutem redacta, nobilis Ethico sine dubio ob uirtutem suam libertatem sibi retinuit integrum, Dominus de Rauensberge, ut scribit Cran-
tius, Comitem eum Guelphum Abbas Vrsper-
gensis uocat. Quo argumento ducor, ut arbitrer-
totam hanc familiam Guelphorum dictam esse.
Hic in precio & magna autoritate apud Ludouicu-
m fuit. Habuit filium Henricum, & filiam Iude-
tham.

IVDITHAM Ludouicus, mortua priori con-
iuge Irmengardi, duxit, quæ ipsi peperit Carolum
Caluum.

HEN-

HENRICVS inuito patre suasu sororis se im-
perio Romano subiecit, quæ res ipsi non infoelici-
ter cessit. Nam cum Imperatori esset familiaris
propter uirtutem & affinitatem, ioco ab impera-
tore tantam sibi attribui regionem petiit, quantam
unius diei spacio quadrigis aureis circumire pos-
set, Lotharius confessim intellecto ioco haud diffi-
culter petenti affini annuit. Non dissimile accidit
illi, quod qui fugerant Pygmalionis Tyrannidem,
faciebant: Mercabantur enim, ut inquit
Virgilius, solum facti de nomine Byrsam,

Taurino quantum possent circundare tergo.

Ascendit leuissimum currum Henricus, alte-
rum aureum currum in gremio secum ferens, &
fertilem eamq; non minimam Bauariæ partem
percurrit. Reuertitur ad affinem, uincit ioco, eam-
que terram quam transierat, feudum à Cæsare ac-
cipit. Quod facinus ipsi nouū nomen, ut uocare-
tur, Dux aurei currus, nouumq; Bauariæ titulum
peperit. Ab hoc, ut refert Saxonica Historia ad
tempora Henrici Leonis Bauariæ duces originem
traxerunt: quod tempus est annorum 336 circiter.
Nati sunt huic filij tres, Conradus, Ethico, & Ro-
dolphus.

S. CVNRADVS nomine pietatis, qua cla-
ruisse perhibetur, non solum ad Episcopatum
Constantensem, cui piè præfuit, euectus, sed etiam
in Diuorum numerum relatus est.

A iiiij ETHI-

ETHICO prioris nepos non accessit ad oeconomiam domesticam neq; ad coniugium, utroq; fratre obscurior.

RODOLPHVS à quo propagata est hæc ilustris stirps, illustrem uirginem Itham sibi matrimonio iunxit, filiā Cunonis nobilissimi comitis de Vuingen, matris Richilintidos filię Othonis Magni Imperatoris. Adiūcio Imperatoris annos, ut & temporis supputatio in conspectu sit. Anno Christi 937 eligitur Otho Magnus uel Primus, filius Henrici Aucupis regnauit annos 38. Vixit ergo Rodolphus circa annum domini 950, cui nati sunt duo filii Guelpus primus, Henricus secundus prioris nepos & una filia Richardis.

HENRICVS .II. in uenatione saxo iactus prope uillam Lunun, extinguitur.

RICHARDIS nupta comiti cuidam Bauari, eo omnium rerum copia affluent, orba liberis moritur.

GVVELPHVS .I. Lineam uero semper memoria tenere prodest, quæ est hæc. ETHICO, Hēricus, Rodolphus, Guelphus: Hic duxit uxorem Imisam gentis Salicæ de castro Glicebergio. Opposuit se Cesari Cunrado secundo duci Francorum

corum, cuius imperium incidit in annum Domini millesimum uicesimum quintū, adiutus ab Ernesto duce Sueviæ, cuius & ille partem possidebat. Ernestus dux Alemannorum & Guelphus comes, ut refert Abbas, dedunt se Cunrado, Anno 1027. Intulit quoq; bellum Episcopis Augustano et Friesorum. Filium habuit Guelphum secundum, si liam Cunysam.

GVELPHI .II. neq; res gestæ commemo-
rantur, neq; coniunx nominatur.

GVELPHVS .III. secundi filius, tempore Henrici tertij Carinthiæ dux, & Veronensis ditionis Marchio factis celebris, ac maximè laudatur eius gubernatio. Fuit tanta potentia, ut offendere Cæsarem & ipsi se opponere non ueretur. Cum iam spem sobolis procreandæ abiecerit, religione ut putabatur inductus, omnia sua bona testamento legavit Ecclesiæ, ut distributis facultatibus passim instituerentur collegia sacerdotum & monachorum: sed hanc uoluntatem retractio- ne irritam fecit huius Guelphi .II. mater, accersito nepote Guelpho quarto in hereditatem, de quo paulo post. In hoc 3 Guelpho, qui obiit anno 1055, mascula huius familiæ stirps deficit, & ad Cunysam genus sequentium refertur.

B ETHI

ETHICO
HENRICVS
RHODOLPHVS
GVELPHVS I.

GVELPHVS II. CVNYSA

GVELPHVS III. ultimus in familiā hæres masculus, ^{απαιγ.}

CVNYSAM, quæ post Guelphum secundum erat collocanda, consulto hoc transstulimus, ut deficiente iam mascula stirpe, sequentem lineam continuaremus. Hanc pater elocavit AZONIUS, ditissimo Marchioni Italico, dos erat arx Elsa-

na.
GVELPHVS IIII, primi nepos ex filia, filius Azonis & Cunysæ uocatus ex Italia ab auia successit patrueli Guelpho tertio tempore Imperatoris Henrici quarti, quando Alexius Constantinopolii imperauit Anno 1061. Othonem ducem Bauariæ, quidam latro Eginus calumnijs oneravit apud Imperatoriam Maiestatem quod conue- nissent de interficiendo Imperatore. Ejicitur igitur Otho suis bonis condemnatus, Ita Guelphus IIII.

Bauariæ

Bauariæ ducatum primus obtinuit, quæ res dissidia plurima excitasse fertur. Augustam occupauit anno 1083. Pulso autem Episcopo Sigfrido, cui, Guelphi huius beneficio successit quidam Vigolitus, euerit Augustam & Frisingen. Ducatu Bauariæ exutus ob rebellionem, cuius probabiles causas habuisse scribitur, reconciliatur uicissim Imperatori, anno 1096. Guelphus paucis annis filios aliquid aduersus imperatorem molientes magno labore uix retraxit & illi recōciliauit. Suscepit tandem expeditionem in Palæstinam & pietatis & fortitudinis causa, uenitq; incolumis, magnis superatis periculis in itinere in Vngaria & Græcia, Ierosolymam. Expeditione absoluta in redditu in Insula Cypro piè moritur, eius uero ossa domum relata sunt in Altorfense Monasterium, ibi q; sepulta. Socij scelere Alexij Constantinopolitanij, cuius paulo ante meminimus aut interfecti aut à Sarracenis capti sunt. Coniunx huic fuerat Iuditha, filia Balduini nobilissimi comitis Flandriæ uïdua mortui regis Britannorum, ex qua filij nati duo, Guelphus, V. & Henricus, III.

GVELPHVS .V. junior appellatur habuit coniugem Mechtildin Bonifacij Marchionis Italici filiam, Bauariam rexit, uxorem repudiasset dicitur, caruit liberis. Verum Cranzius contra Vrspergensis sententiam scribit Mechtildin fuisse

Bij poten-

potentissimam fæminam in Longobardia, non
ducis Mediolani, sed Egberti Marchionis Saxo-
niae filiam, sororem Germanam Gertrudis, matris
Rixæ coniugis Luderis ducis Saxoniæ.

EGBERTVS MARCHIO
Saxoniæ

MECHTILDIS GERTRUDIS
nupta Guelpho. V.
|
RIXA VEL RIBENSA.

Affirmat idem scriptor, quod eam non spe sus-
cipienda sololis, sed uirtute & amplitudine o-
pum inuitatus duxerit, & se, spe liberorum præci-
sa, religioni totum dediderit.

HENRICVS III. frater Guelphi V. Hu-
ic fuit uxor Vuolphildis filia Magni Othonis du-
cis Saxoniæ, & Sophiæ, quæ fuit foror Coloman-
ni regis Vngarici. Coniugium fuit fœelix & per-
quam fœcundum. Nam præter eos, qui in infan-
tia aut primo iuuentæ flore extinti sunt, peperit
Vuolphildis suo principi tres filios. Conradum
II. Henricum III. & Guelphum VI. Filias qua-
tuor luditham, Sophiam, Mechtildin & Vuol-
phildin.

IVDI.

IVDIT HA peperit marito suo Friderico
Sueuorum duci, Fridericum Barbarosam Impe-
ratorem, & uxorem Matthiæ ducis Lotharingiæ.

SOPHIA nupsit Bartholdo duci de Zærin-
gen, & post huius obitum Lupoldo Marchioni
Stiriæ.

MATHILDIS uel Mechtildis uenit in
coniugium Dipoldi filio Trepoldi, Marchionis
de Voheburgk, quo defuncto uiduam duxit Ge-
berhardus de Sultzbach.

VVOLPHILDIN duxit Rhodolphus
Bregentinus comes. Sed ad fratres uenio, ac prio-
ri loco semper de ijs, penes quos non mansit stirps,
dicam.

CVNRADVS II. exemplo S. Cunradi
se totum religioni sacrauit, ac cum studuisse set Co-
loniæ Agrippinæ, sese in monasteriū Clareuallensi
abdidit, eiq; ordini initiatus est, ut liber ab occu-
pationibus publicis uacaret lectioni sacrarum lite-
rarum & precibus. Proficiscebatur ad sepulcrum
domini ac in reditu Patharæ morbo correptus
objit.

HENRICVS III. cognomento Super-
B ij bus

bus. Fuit semper à partibus Lotharij Imperatoris, qui regnare cœpit anno 1127. nec illi usquam deerat, secutus eum etiam in Apuliam. Nam duxerat uxorem filiam Lotharij, nuptię celebratę sunt Augustę in maxima uocatorum principum frequētia. Hic ergo Henricus Bauariæ dux non ita multo interiecto tempore Norimbergæ à socero accipit ducatum Saxonię, cum reliquis nonnullis quae erant beneficia Episcoporum & Abbatum. Ex eo tempore adhunc usq; diem penes hoc stemma est ducatus Brunsuicensis, quod ille sine liberis cum ex hac mortali uita discederet, filiae hereditatem relinqueret. Eo tempore claruit diuus Franciscus, qui dissidia inter Lotharium & Cunradum affe-ctantem imperium ita, ut hic illi cederet, componebat. Cunradus tamē post fata Lotharij Saxonis ad summum gubernationis fastigium suffragijs plurimorum electus Confluentę ad Rhenum anno 1139. Huic electioni Saxones & Henricus cum non interfuerint regium honorem Cunrado adimebant, præsertim cum adhuc Henricus apud se ornamenta regia seruaret, qua de causa habita sunt comitia Papebergæ, in quibus Saxones reliqui & Richinsa uidea Lotharij Imperatoris se Cunrado subjiciunt, absente duce Henrico, qui tandem Ratissponæ Imperatori regia ornamenta tradidit, cæteris rebus deliberatis quidem plurimum sed minime compositis, ille cum nulla de par-

te

te acceptę ditionis Brunsuicensis cedere constituis-set, hic uero aliam nullam faciendæ pacis conditio-nem acciperet, Henricus proscriptur & munitus auxilijs & præsidij Saxonicis, se ad arma parat ut Bauariam recuperet, quam tenebat Imperatorio iussu. Lupoldus Iunior, inter hos conatus morbo correptus moritur, anno quem ante numeraui-mus eodem. Filium reliquit Henricus infantem annorum trium.

GVELPHVS VI. Henrici frater his oc-sasionibus etiam implicatur bellis, Prima initia ip-si satis feliciter cessere. Nancj Lupoldum, qui se iam potitum Norico Ducatu arbitrabatur in fu-gam uertit. Etsi autem se suam hereditatem ui-de-fendere coactū pretendit Guelphus; tamen Im-pe-rator eum uelut rebellem obsedit in arce Vuins-berga. Sed hanc prolixiorem Historiam hic præ-cidam, uno eoq; memorabili exemplo breuiter re-citato, de quo Nauclerum lege, de nobilibus scili-cet fæminis tum una in Vuinsbergæ obsidione cin-ctis, lusserat Imperator quotquot ibi essent nobiles matronæ ex arce descendere: Et concesserat item ijs, ut tuto suos thesauros, suacj ornamenti, quæ quidem, portare possent, auferrent. Hæ quod in tanto iam discrimine mariti uersarentur ut nulla spes aut euadendi aut uincendi superesset. Persua-sos maritos in humeros attollunt, & deportant in regia

regia castra. Reprehensæ à rege lepore respondent plusq; erudito & pio: Sibi nullos esse potiores thesauros, nulla præstantiora ornamenta suis coniugibus. Dubites certe utrum nobilius hoc sit Sophisma, an uero illustrius amoris coniugalis exemplum: Quid faciat Rex? Et iure supplicum & incredibili hac fæminarum pietate ductus, non solum parcit omnibus, uerum etiam omnes clementissimè exceptos honorificè tractat, ac liberos dimittit. Et hæc regis sapientia & clementia laudem quoq; eximiam meretur. Mense Decembri hæc acciderunt. Commemorant alij Guelphum cum paucissimis euasisse. Deinde mortuo Lupoldo succedit in obtinendo Norico, frater Henricus. Henrici ducis Brunsuicensis relictam filiam in matrimonium dicit. Quod ipsum quoq; Guelphus ægerrimè feret, nec Imperatori se adhuc opponere cessat, præsertim instigantibus & iuuantibus eum Rogerio (Is antea cum Petrum Romani ciuis filium Antipapam propugnaret, semel atq; iterum à Lothario repressus erat) Siliciæ, & Cunrado Vngariæ rege. Quomodo res secundo inter Imperatorem & Guelphum compositæ sint non legi, sed constat eos una familiarissime postea uixisse in expeditione Ierosolymitana. Quam nō superstitione sed religionis defendendæ & Sarracenorū reprimendorum, qui anno 1145 ceperant Edissam, causa, consilio diui Bernhardi, Abbatis Clareual,

Clareuallensis, qui & summis principibus erat familiarissimus & apud eos poterat plurimū suscep- perant. Conatus erant illi honestissimi, Iconiū horatu Emanuelis regis Constantinopolitani obside- tur, sed inde eo, quod plurimi in castris gypsato pane infecti morerentur, discessum est in Thraciam, inde rursum in Syriam: cunctis copijs Imperator & Ludouicus rex Franciæ, licet frustra, metropolin Damascum obsident. Ad Damascum correptus morbo itineri se parat & traject in Siciliam, ubi magnificè à rege Rogerio excipitur, & incitatur armaturq; rursus contra Imperatorem. Dum Martis ἀλλοπροσάλλον uices uidet, & suam fortunam experitur, totum illud dissidium certis conditionibus à Friderico proxio Imperatore nepte Cunradi ex fratre, inter Cunradum Imperatorem & Guelphum sextum componitur. Ter a- dij terram sanctam. Plura in Abbat.

GVELPHVS VII natus est huic Guelpho de quo iam diximus is occubuit ad Romam in exercitu Imperatoris Friderici. Anno 1167. Iam perduximus inclytæ stirpis propagationem per annos trecentos & plures ad Henricum Leonem, quem Saxonius scriptor autorem generis, quod primus totius uitæ tempore Brunsuicensem terram possederit & defenderit. Recta linea à temporibus Caroli Magni, ad Fridericum primum hæc est, quam memoriae causa in conspectu esse prodest.

C ETHI-

ETHICO

HENRICVS I.

RHODOLPHVS

GVELPHVS II.

CVN YSA nupta Marchioni

ITALICO.

GVELPHVS III.

HENRICVS III.

HENRICVS superbus IIII.

HENRICVS Leo .V.

HENRICI Leonis infantia & ætas pueri-
lis in annos Cunradi II. virilis & pars senectæ in
annos Friderici I. Senecta extrema in annos Hen-
rici sexti incidit.

Horum igitur Imperatorum mentio facienda
est. Anno 1136. nascitur Henricus, quo tempore
regnauit adhuc Cunradus secundus annos 16.
Postea ei eius ex fratre nepos Fridericus Suevus
successit cognominatus Barbarossa, ab Italîs, quod
duriora, nescio quibus impulsus causis in Papam
tentaret. Consuluit uero quantum potuit publicæ
tranquillitatî, & tam reipla, quam nomine pacifi-

cus

cus extitit. Primo enim triennio (reliqua enim
quæ huc nō pertinere videbūtur pretereamus) com-
pulsuit tumultus motos in Germania, & intestinas
dissensiones principum sedauit, ortas propter Du-
catum Bauariæ & Saxonie. Fuerunt in certamine
præcipui Guelphus, Henricus Leo, & Luipoldus.
His conditionibus transacta res est, ut & Henrico
Bauaria ademta patri rediret, cum et hoc ducatu et
pater & auus potiti essent: Leodolphus Iunior
Marchio Austræ & Styriæ non solum retineret
Marchionatum, sed & Ducis titulo ornaretur. Im-
perator, ne haberet aut sibi infensū, aut aliquo mo-
do à se alienum Guelphum, attribuit ei Marchiam
Tusciæ, ducatum Spoleti, & ditionem comitissæ
Mechtildis, quæ nupta fuerat Guelpho V. Hic
Guelphus VI. cum esset in obsidione Cremonæ
cum Cunrado fratre Cæsar, Palatino Rheni, Re-
ge Bohemorum nepote Cæsar, & duce Austrí-
aco duxit partem exercitus. Cæsari discedenti ade-
rant copiae uxoris, & Henricus Leo Brunsuicensis
& Bauaricus dux. Sed integri belli series hic refer-
ri nequit. A Barbarosa deticit Henricus dux, ac
discedit ex Italia, qua defectione ita Imperatoris ui-
ret fractæ ac debilitatæ esse affirmantur, ut nolens
uolens ex Italia se in tutiorem locum recipere cogi-
retur. Reuersus in Sueviam sui studiosos habuit
Zollerenses, ex quibus propagata est inclyta stirps
Marchionum Brandenburgensium, Veringenses

C ii &

et alios nōnullos Comites, cū quibus se Imperato-
ri opposuit. Proscripti tandem Henrici totam po-
tentiam fregit, ut pote qui Bauariam ipsi ademtam
dederit Othoni Palatino de Vuitelsbach, ex quo
duces Bauarici, qui hodie supersunt, propagati-
sunt: Electoratum uero Saxoniæ Bernhardo An-
haltino principi, filio Alberti. Otho habuit auxi-
lia fratrum, Cunradi Episcopi Salzburgensis &
Othonis: Bernhardo aderant Philippus Archie-
piscopus Coloniensis, Archiepiscopus Mogunti-
nus, & Lantgravius Thuringiorum. Ita Guelphi-
orum totum regnum in plurimos partitus est Im-
perator, nisi quod suam partem postremo Guel-
pho reliquit, quæ hoc tamen defuncto ad Impera-
torem peruenit. Henricus et si impetebatur undicq;
tamen Brunsuiga depelli initio non potuit, ad quā
se receperat. Sed tandem confugit ad regem An-
gliæ, cuius filiam duxerat, aut necessitate extrema
compulsus, aut auxiliorum petendorum gratia.
Postremo eò res deuenit, ut Imperatoris uoluntate
recuperaret Brunsuicensem ducatum, quem ta-
men ui ita discepserit Philippus Episcopus Coloni-
ensis, ut ad sese totam Vuestphalię transferret.

Anno 1190. Henricus VI. Barbarossæ filius
creatus est Imperator Romanus, cum antea pater
cōtra Sarracenos mouens, in minore Armenia, in
Selephio amne, misere periisset 10. Iunij. Culpi-
nianus fluuium Serram ab incolis uocari scribit.

Vides

Vides igitur maximam ætatis suæ partem egisse
Leonem sub Friderico. Quo moriente post impe-
riū annorum septem & triginta, erat ille natus
annos tres & quinquaginta. Paucos annos imperij
Conradi superstes fuit. Actandem senex anno-
rum 60 aut circiter (Nam autores de tempore e-
ius mortis discrepare narrantur, cum illam alij in
annum Christi 1195, alij in 1197 referant) uarijs for-
tunæ procellis agitatus, & probè edoctus de rerum
humanarum instabilitate, tam suo, quam aliorum
exemplo suum diem obiit. Sepultus Brunsuigæ in
æde diui Basilij (quem corrupto nomine Blasium
appellant) Collocarant autem leonem æneum in
tumulū Henrici, quod ipse ob fortitudinem ani-
mi inuictam, Leonis cognomentum meruisse. Ä-
neus Leo apud imperitum uulgas anilium fabula-
rum, quas omitto, causa extitit, et si crediderim pru-
denter à quibusdam illi fabuloſo inuolucro res ge-
ſtas huīus principis inuolutas esse. Qua de re cui-
uis, quid uelit, sentire, liberum esto. Habuit duas
coniuges, priorē Clementiam, filiam Conradi du-
cis Zaringiæ, qua repudiata, duxit Mechtildin fi-
liam regis Anglici Richardi, ex qua genuit tres fi-
lios, Henricum, Othonem, & Guilhelμum.

C iij Conclus

CONCLVSIO AD ILLVSTRISSIMOS
PRINCIPES, DV CES BR VNSVICENSES
ET LVNEBVRGENSES.

IT A, illustrissimi principes, quā potui optime et rectissime (potui autē præstare tantū, quantū & Per meam aetatem, & in hac inopia antiquorum monumentorum fieri potest) uestram inclytam familiam à prima Guelphorum origine, quæ in Caroli Magni gubernationem incidit, ad filios Henrici Leonis, qui uixerunt tempore Imperatoris Cunradi deduxit: Ac hunc meum laborem, non quod absolutum aut perfectum quiddam hoc esse putarem, edidi, sed ut meis principibus debitum studium probarem, quod ut V. C. sibi gratum esse patientur, magnopere rogo. Nec autem ea de re dubito. Quid enim est uobis iucundius, quam seriem uestrorum maiorum uirtute, pietate & fortitudine animi excellentium habere ob oculos & hæc uiva insignia laudis intueri? Quid uestros animos magis ad similem gubernationem inflammet, quam si exempla præstantium gubernatorum, eorumq; domesticorum inspiciantur? Domesticā nimirum exempla plus mouent ac incendunt. A qua sententia non longè abest quod docet suos ciues sapientissim⁹ orator Demosthenes: superiorū administratorū uestrorū exēpla nō peregrinorum imitemini, inquit, οὐ γέ ἀλλοῖοις ὑμῖν χρωμένοις πραθείγμασιν, ἀλλὰ δικείοις ὡς ἄνδρες αθλωαῖοι, εὐδαίμονες

mostr

μοσιψ ἔξει θνέσθ. Quod argumentum si in Republica ualet quanto plus ponderis in una eademq; familia habiturum putabitur? Quanta uenustate & gravitate lapis Ascanium ad uirtutem maiorum exemplo hortatur cum inquit;

Tu facito, mox cum matura adoleuerit atas
Sis memor, & te animo repetenter exempla tuorum
Et pater Æneas & auunculus excitat Hector.

Minerua Telemachum exemplo Orestis qui Agisthum interemerat, ad procorum maternorum insolentiam compescendam hortatur: peregrinum hoc exemplum, & mouet aculeis, quanto magis ad uirtutem domestica, Heroicas præsertim naturas instigabunt,

τιεὶς ἀριστερὴν κορὲν ὑπέροχον ἔμβλημα ἀλλωρ.
μηδὲ γένεθλον πατέρων ἀιχυνέμονες.

Quid usitatius est parentibus quā maiorum exempla filiorū oculis subiçere, quoties eos ad uirtutem, ad fortitudinem, ad pietatem hortantur? Intueantur simili modo principes iuniores maiorum res gestas & uirtutes, cogitent ne quid sua stirpe indignum perpetrent. Quæ omnia si & graviori oratione & in tempore dicantur, nonne animos præsertim tenellorū permulcebunt plurimum, grandiores uero etiam impellent. Nec illud preteream, Historiarū cognitioni ex Genealogijs magnā lucem accedere, Historiæ uero cognitio principi uiro thesauri loco & summo ornamento est, quæ cum omnis generis tum suæ stirpis inquirendæ

dæ & sciendæ sunt. His alijs multis causis meos
hos cæptos conatus fouebitis, quod si facietis, &
potero inquirere & inquiram omnia diligentius,
cōsultis ultro citroqz Historicis & collatis Genea-
logijs aliorum Heroum. Hoc modo & quæ iam
ostendo integriora dabo & quæ desiderantur at-
texam sedulo, ac ita eadem, aut carmine, aut soluta
legibus oratiōe edā, ut sperē me et uestre expecta-
tioni & doctorum censuris si non abundē aliqua
certè ex parte satisfacturum. Qua in re cum neqz
mea uoluntas, quam meis principibus deheo, neqz
mediocris eruditio, quam qualem cunctqz laboribus
assequor mihi desit: illustrissimi principes, in patro-
cinium meas Musas, quæ & Ecclesiæ & reipubli-
cæ DEI beneficio prodesse, & in primis uestras
laudes illustrare poterunt, suscipietis, quod ut faci-
tis, V. C. ut æquum est rogare clientem, rogo.

F I N I S.

(4840) 7
8.
ORATIONES
ALIQVOT RECITATAE IN
ACADEMIA VVITEBERGENSI EO TEMPORE,
quo prælectiones publicas Reuerendi &
clarissimi Viri Philippi Melanthonis, obitu
huius interruptas, aliqui ex professori-
bus de consilio Academiæ con-
tinuare ceperunt.



VVITEBERGAE.

EX OFFICINA TYPOGRA-
phica Viti Creutzer.

1560.